



## Komentar monetarnih kretanja za avgust 2020. godine

Novčana masa (M2) na kraju avgusta 2020. godine iznosi 27,30 milijardi KM, na mjesečnom nivou registrovan je rast za 311,5 miliona KM (1,2%). Rast novčane mase (M2) u avgustu 2020. godine rezultat je rasta novca (M1) za 273,6 miliona KM (1,9%) i kvazi novca (QM) za 37,9 miliona KM (0,3%). Novac (M1) povećan je prvenstveno usljed rasta prenosivih depozita u domaćoj valuti za 296,8 miliona KM (3,3%) i blažeg pada gotovine izvan banaka za 23,2 miliona KM (0,5%). Kod kvazi novca (QM) zabilježen je rast prenosivih depozita u stranoj valuti za 60,8 miliona KM (2,3%) te pad ostalih depozita u stranoj valuti za 19,1 miliona KM (0,3%) i ostalih depozita u domaćoj valuti za 4,0 miliona KM (0,1%).

Na godišnjem nivou porast novčane mase (M2) iznosi 1,57 milijardi KM (6,1%). Rast je ostvaren kod: gotovine izvan banaka za 592,3 miliona KM (13,7%), prenosivih depozita u domaćoj valuti za 803,4 miliona KM (9,3%), prenosivih depozita u stranoj valuti za 252,9 miliona KM (10,3%) i ostalih depozita u domaćoj valuti za 128,0 miliona KM (4,5%), uz istovremeno smanjenje ostalih depozita u stranoj valuti za 210,1 milion KM (2,8%).



Protustavka rastu novčane mase (M2) na mjesečnom nivou u avgustu 2020. godine je rast neto strane aktive (NSA) za 246,1 milion KM (1,6%) i neto domaće aktive (NDA) za 65,4 miliona KM (0,5%). Porast (M2) na godišnjem nivou od 1,57 milijardi KM (6,1%) rezultat je rasta neto strane aktive (NSA) za 1,3 milijardi KM (9,2%) i neto domaće aktive (NDA) za 267,2 miliona KM (2,4%).

## Monetarni pregled

	Stanje u mil. KM VIII 2020	Mjesečne promjene u mil. KM			Godišnje stope rasta u %		
		VI 2020	VII 2020	VIII 2020	VI 2020	VII 2020	VIII 2020
<b>Aktiva</b>							
<b>1. Neto strana aktiva</b>	<b>15.193,1</b>	<b>-99,2</b>	<b>313,9</b>	<b>231,7</b>	<b>13,6</b>	<b>12,0</b>	<b>9,2</b>
1.1. Strana aktiva	17.507,7	-454,6	196,8	146,0	7,3	5,8	3,7
1.2. Strana pasiva	-2.314,7	355,5	117,1	85,7	-18,7	-21,3	-22,0
<b>2. Neto domaća aktiva</b>	<b>12.110,2</b>	<b>243,5</b>	<b>7,6</b>	<b>79,8</b>	<b>-0,3</b>	<b>-0,3</b>	<b>2,4</b>
2.1. Potraživanja od centralne vlade (neto), kantona i općina	48,3	202,3	134,0	80,1	72,1	-61,0	-126,9
2.2. Potraživanja od domaćih sektora	19.316,5	175,5	-1,5	-88,8	0,5	0,2	-0,1
2.3. Ostale stavke	-7.254,6	-134,2	-125,0	88,4	0,8	1,6	-1,1
<b>Pasiva</b>							
<b>1. Novčana masa (M2)</b>	<b>27.303,2</b>	<b>144,4</b>	<b>321,5</b>	<b>311,5</b>	<b>6,9</b>	<b>6,2</b>	<b>6,1</b>
1.1. Novac (M1)	14.332,3	135,8	285,0	273,7	11,7	10,9	10,8
1.2. Kvazi novac (QM)	12.971,0	8,5	36,5	37,8	2,2	1,5	1,3

## Ukupni krediti

Ukupni krediti domaćim sektorima na kraju avgusta 2020. godine iznosili su 20,34 milijardi KM i u odnosu na prethodni mjesec smanjeni su za 89,7 miliona KM (0,4%). Kreditni pad zabilježen je kod nefinansijskih privatnih preduzeća 105,7 miliona KM (1,2%) i kod ostalih domaćih sektora 3,2 miliona KM (1,8%). Blagi rast kredita zabilježen je kod sektora stanovništva za 14,3 miliona (0,1%), kod javnih preduzeća 4,8 miliona (0,9%) i kod sektora vlade za 0,1 miliona KM (0%).

Godišnja stopa rasta ukupnih kredita u avgustu 2020. godine iznosila je 0,6 %, ili nominalno iskazano 123,7 miliona KM. Rast kredita zabilježen je u sektorima: javna preduzeća 130,3 miliona KM (31,7%), vladine institucije 121,3 miliona KM (12,4%), stanovništvo 111,1 milion KM (1,1%) i ostali domaći sektori 20,1 milion KM (12,9%). Smanjenje kredita je registrovano kod privatnih preduzeća na godišnjem nivou u iznosu 259,1 milion KM (2,9%).

### Sektorska struktura kredita u BiH

	Stanje u mil. KM VIII 2020	Mjesečne promjene u mil. KM			Godišnje stope promjene u %		
		VI 2020	VII 2020	VIII 2020	VI 2020	VII 2020	VIII 2020
<b>Ukupno</b>	20.341,5	135,9	35,2	-89,7	0,9	0,9	0,6
Od toga:							
Stanovništvo 1)	9.900,0	49,0	41,1	14,3	1,9	1,5	1,1
Privatna preduzeća 1)	8.622,5	2,6	-12,6	-105,7	-2,6	-2,7	-2,9
Vladine institucije	1.101,4	3,0	-0,7	0,1	9,9	11,8	12,4
Javna preduzeća 1)	541,9	70,1	1,1	4,8	28,3	33,0	31,7
Kreditni ostalim domaćim sektorima	175,8	11,2	6,2	-3,2	3,2	18,4	12,9

### Devizne rezerve

Devizne rezerve Centralne banke BiH na kraju avgusta 2020. godine iznosile su 13,3 milijarde KM, ostvaren je rast za 72,6 miliona KM (0,5%) u odnosu na prethodni mjesec. Na godišnjem nivou devizne rezerve Centralne banke BiH porasle su za 718,2 miliona KM (5,7%).

---

1) Stope rasta su izračunate uzimajući u obzir Odluku o upravljanju kreditnim rizikom i utvrđivanju očekivanih kreditnih gubitaka, slijedom koje su komercijalne banke od 1. januara 2020. godine izvršile preknjižavanje određenih potraživanja iz bilansa u vanbilansnu evidenciju, što se reflektovalo na smanjvanje potraživanja od oko 400 miliona KM u sektorima privatnih preduzeća i stanovništva.